



N 21/4601  
15/06/2023

4601-21-2-202306151547



შპს „ელბა ექსპორტს“

მის: ქ. თბილისი, სოფელი დილომი, როსტევიანის ქ № 50

ელ.ფოსტა: [exportelba@gmail.com](mailto:exportelba@gmail.com)

სსიპ ბარემოს ეროვნულმა სააგენტომ განიხილა თქვენი 2023 წლის 5 აპრილის N2917 გარემოსდაცვითი გადაწყვეტილების მიზნით წარმოდგენილი განცხადება, რომელიც ეხება ქ. რუსთავეში კირისა და კომბინირებული სასუქის საწარმოს მოწყობასა და ექსპლუატაციას და გაცნობებთ შემდეგს:

- დოკუმენტს დართულ ატმოსფერულ ჰაერში მავნე ნივთიერებათა ზღვრულად დასაშვები გაფრქვევის ნორმების პროექტში (ზდგ) წარმოდგენილი მავნე ნივთიერებათა გაფრქვევის წყაროების პარამეტრები, **კერძოდ:** ორგანიზებული და არაორგანიზებული მავნე ნივთიერებათა გამოყოფის და გაფრქვევის წყაროების **X; Y; კოორდინატები**, გაფრქვევის წყაროების **დიამეტრი** და **აირჰაერნარევი ნაკადის მოცულობითი და სწორხაზოვანი სიჩქარეები** მითითებულია არასწორად და საჭიროებს შესწორებას. აღნიშნული არასწორი მონაცემები ასევე ასახულია გამოყენებულ ავტომატიზებულ კომპიუტერულ პროგრამა „ეკოლოგი 3.0“-ში, რაც პროპორციულად ახდენს გავლენას სპეციალურად შერჩეულ წერტილებში ზდკ-ს მაჩვენებლებზე და ცვლის მათ მნიშვნელობებს. ზემოაღნიშნულიდან გამომდინარე, ატმოსფერულ ჰაერში მავნე ნივთიერებათა ზღვრულად დასაშვები გაფრქვევის ნორმების პროექტი საჭიროებს შესწორებას;
- წარმოდგენილი არ არის და დეტალურ აღწერას საჭიროებს კომპლექსური სასუქების წარმოების ტექნოლოგიის ყოველი ეტაპი, მათ შორის, ფილერის გოგირდმჟავით დასველების საკითხი, რაც აუცილებელია წარმოებისას მიმდინარე შესაძლო ქიმიური პროცესების იდენტიფიცირების და შესაბამისად, კომპლექსური სასუქების წარმოებისთვის უწყვეტი ინსტრუმენტული მონიტორინგის საჭიროების განსაზღვრისთვის;
- დაზუსტებულ უნდა იქნეს ტექნოლოგიური ციკლში გამოყენებული ნედლეულის შესახებ ინფორმაცია და წარმოდგენილი უნდა იქნეს მათი უსაფრთხოების პასპორტები (MSDS), მათ შორის, ამოფოსის, ბენტონიტური თიხის, თაბაშირის ფილერის, ფოსფორის ნედლეულის გამოყენების საკითხები, რომელთა შესახებ დოკუმენტაციის სხვადასხვა თავებში მოცემულია ერთმანეთისგან განსხვავებული ინფორმაცია;

- დაკონკრეტებას საჭიროებს კომპლექსური სასუქების წარმოების ხაზზე ასპირაციული სისტემით აღჭურვილი უბნების შესახებ ინფორმაცია;
- ზდგ ნორმების პროექტის ფორმაში #3 (გვ. 55) მოცემული აირმტვერდამჭერი მოწყობილობებით აღჭურვილი გამოყოფის და გაფრქვევის წყაროების შესახებ ინფორმაცია საჭიროებს დაზუსტებას და #1 ფორმასთან (გვ. 47) და დოკუმენტის სხვა თავებთან შესაბამისობაში მოყვანას;
- ატმოსფერულ ჰაერში მავნე ნივთიერებათა თვითმონიტორინგის გეგმაში გათვალისწინებული უნდა იქნეს როგორც ატმოსფერულ ჰაერში მავნე ნივთიერებათა თვითმონიტორინგის კანონმდებლობით განსაზღვრული მოთხოვნები, ისე პერიოდული ინსტრუმენტული მონიტორინგის საკითხები საწარმოს პერიმეტრზე და საწარმოდან 500 მ-იანი რადიუსის საზღვარზე (სიხშირისა და მონიტორინგის წერტილების კოორდინატების მითითებით);
- ატმოსფერულ ჰაერზე ზემოქმედების შემარბილებელი ღონისძიებების გეგმაში დამატებით გათვალისწინებული უნდა იქნეს საწარმოდან არაორგანიზებული გაფრქვევების შემცირების კონკრეტული ქმედებები, ასევე, არახელსაყრელ მეტეოროლოგიურ პირობებში საწარმოს ფუნქციონირების შეზღუდვის ღონისძიებები;
- კორექტირებას საჭიროებს კომპანიის საქმიანობის სახელწოდება ზდგ ნორმების პროექტის სათაურსა და დოკუმენტის სხვადასხვა თავებში („კირქვის წარმოების“ ნაცვლად უნდა იყოს „კირის წარმოება“).


ამასთან, „გარემოსდაცვითი შეფასების კოდექსის“ მე-10 მუხლის მე-2 ნაწილის შესაბამისად, გზშ-ის ანგარიში ხელმოწერილი უნდა იყოს მის მომზადებაში მონაწილე პირის/პირების მიერ, მათ შორის, კონსულტანტის მიერ (მისი არსებობის შემთხვევაში). თქვენ მიერ წარმოდგენილი გარემოზე ზემოქმედების ანგარიშის მომზადებაში მონაწილე ექსპერტებისა და კონსულტანტების ჩამონათვალიდან არ დგინდება, თუ რომელი ექსპერტი მონაწილეობდა დოკუმენტის ცალკეული ნაწილის მომზადებაში, რაც საჭიროებს დაზუსტებას. აგრეთვე, დოკუმენტში არ არის მითითებული ატმოსფერულ ჰაერზე ზემოქმედების ნაწილის მომამზადებელი პირ(ებ)ი;

აგრეთვე, „გარემოსდაცვითი შეფასების კოდექსის“ მე-10 მუხლის მე-4 ნაწილის „ბ“ პუნქტის მიხედვით, გზშ-ის ანგარიშს უნდა დაერთოს ინფორმაცია იმ კონსულტანტის დასახელებისა და იურიდიული მისამართის შესახებ, რომელიც მონაწილეობდა გზშ-ის ანგარიშის მომზადებაში (ასეთის არსებობის შემთხვევაში), რაც დოკუმენტში წარმოდგენილი არ არის და საჭიროებს დაზუსტებას;

გთხოვთ, უზრუნველყოთ ყველა ზემოაღნიშნული საკითხის/შენიშვნის შესახებ ინფორმაციის/დოკუმენტაციის 2 თვის ვადაში წარმოდგენა. აღნიშნული ინფორმაციის/დოკუმენტაციის წარმოდგენამდე სააგენტო მოკლებულია შესაძლებლობას იმსჯელოს გარემოსდაცვითი გადაწყვეტილების გაცემის შესახებ.



ნინო თანდილაშვილი

A handwritten signature in blue ink, appearing to be 'ნ. თანდილაშვილი', written over the printed name.

სააგენტოს უფროსის დროებით ფუნქციების შემსრულებელი

სსიპ გარემოს ეროვნული სააგენტო